

rectis, persistentibus) et inter plumulas denticulatis; series externa e radiis, internis duplo triplove brevioribus, parce plumosis vel tantum denticulatis.

Patria. In Abyssinia inter Halei et Temben legit cl. Ruppell Majo 1832.

---

*Picris longirostris* C. H. Schultz Bipont.

Inter plantas mihi communicatas *Picris* (*Medicusia*) a cl. Ruppell ann. 1831 in Arabia lecta, prostat, formae hebetatae *Picridis Rhagadioli Pers.* similis; sed flosculi tubus ligulam aequat, qui in *Pier. Rhagadiolo* ligula dimidia parte brevior est; involucri squamae inter pilos glochidiatos tomento, licet parce, sunt adpersae, in *Pier. Rhagadiolo* penitus deficiente! Praeterea in planta nostra, rostrum achenii, in capitulo florente examinatum, achenii corpus fere subaequat et maturitate acheniorum majus adhuc evadere videtur. *Picris* haec, examini botanicorum ulteriori commendanda, longirostris potuisset vocari. E radice ☉ caulis oritur, foliis oblongis obtusis munitus, 2 poll. altus, gracilis, ramosus.

---

[*Schmidtiae* ambiguae (= *Tolpidis altissimae Pers.*) supra in Catalogo a cl. Schultz enumeratae specimen unicum mancum in Abyssinia lectum adest, cui papus plerumque 12-setosus. — Fresen.]

---